



831013

荆溪盧司馬殉忠實錄

同邑圖德

士雪城

文著

胞弟盧象觀幼哲又訂

樞督相左機緣

戊寅三月東師十萬騎臨宣邊盧公聞警夜

馳邊城右衛衛將士云臨墻問撫插舊員

想係插夷求撫公數詰之始知東挾插邀

賞非真插也隨卽繕疏馳奏疏云撫插不撫

荆駮逸史

殉忠實錄

許市不許賞蓋因孽犯順不應言撫且

性甚狡求撫亦非真情插久歸法難輕

賞云云旬日樞部手書云撫之便不觀卜夷

往事究作熟眠之臥犬耶公乃榜示東人俾

復我侵地還我叛人而後議持議甚嚴樞部

又書來曰宣邊原插日子東講撫應在

義州其意謂公不主撫他督可惟命見公

榜書嚴正亦遂一旦遁去樞部慮邊事必壞

勢將爲法罪死倘撫事或就可幸苟免不則
脫樞部一席斯離惡塹遂力圖大拜當日以
墨衰辦部務長安猶不免訾議今且以衰經
之身御紅袍登政府何俟都人口誅恐楊公
亦或內媿時石齋黃公廷評面折楊公相爭
如虎因是黃公竟遭遠謫後幾斃杖獄楊公
亦可畏哉公亦馳手書諷之云變禮易制誠
非細事但使相業隆盛無愧救時亦或一道

荆驥逸史

殉忠實錄

一一一

惟公好爲之報書云某知決不議南陽李也
公笑曰羅倫復官應在何日蓋指石齋先生
言也此時兩人便已相左然使楊公得脫樞
務卽相左亦或無害詎意皇上命兼樞部因
遺書賺公云某以病行矣此座可惜惟公念
之公笑曰楊公欺我未幾公以外艱乞奔喪
去楊公樞務終不獲解遂決許講撫商通戎

政授意薊門督監薊督監嗜飲強半在醉夢

之中唯唯而已後遂遣瞽奴賣卜者周元忠
赴□講撫因其與遼人熟識故遣之去□云
此事重大何無專官乃遣一廢疾者來直玩
侮耳欲斬之元忠曰此番未便講撫如議撫
果成當有天使來汝國也遂釋之都人憤其
大傷國體而瑞屏顧公廷斥樞輔謂元忠不
應遣復補牘糾之一時欽其丰采樞輔心啣
顧公後以他事中公革職而樞輔持撫議益

荆駮逸史

狗忠實錄

三

力都人謂樞璫已密請聖裁否則關寧警報
狎至薊門而鄧監日召諸帥悉赴幕中稱觴
上壽□卽於是日從牆子嶺入口鄧胆卽如
斗大敢擅縱□入乎當日樞璫謂撫可成將
論功受賞寔料薊督未悉箇中遂致中解公
督師入關輒聞此報不禁撫膺心痛次日平
臺召對公謂□入內地傷重臣尙何撫之可

言力議主戰皇上命與樞臣及戎政總提協

諸臣會商都人謂皇上受欺于若輩也已可概見何用再商公特鑿鑿言戰絕不作商量語此公之與樞左也將謂罪在公乎然公禍實始此次日閣部入朝房就公議徹左右逾時無一言徒進勿浪戰三字而撫議終偪塞不能出口公乃挑選誓師樞部無計撓成遂疏稱□南下督臣猶擬趨牛欄票擬令督赴通與高監面商想商通高監令與公密諮意

荆驍逸史

殉忠實錄

四

中主也此樞之與公左也將謂罪不在樞乎公閱疏揭憤甚拍案擲去而公之禍益不可解自後樞部事事設陷公遂死嗟嗟寧惟公死而公死之後各藩衛省會盡燬周元忠挑釁速寇其肉尙容食耶然以罪歸之元忠而元忠不足勝罪將歸之鄧監而鄧以伏誅然則罪安歸乎都人曰歸之樞部而樞部徒革虛銜仍以冠帶入閣辦事俄假勦寇功廷臣

竝受賞樞部遂復故官使樞部早知功罪惟
我亦何慮邊事壞而憂其罪且死耶

荆駢逸史

魏忠實錄

五

戎車日記

總督盧公於戊寅年四月十八日午時見白虹貫日占者謂主大兵公憂之邊是日公之尊人從白登歸終于濟上

五月朔日聞計卽日開報丁憂雲撫葉公立繕疏代題時議奪情者交章飛奏公連篇累牘凡十上蒙俞允著回籍守制仍料理侯代樞部楊公知東□必來且須公防禦弗欲令

荆驍逸史

殉忠實錄

六

卸責會推新督以蜀中陳公聞命下之日公泣不已謂燕蜀路距八千餘里計往返須四閱月何日得已就道朝夕號痛心腕如噬余在旁爲之寬慰早夜和藥服飲之

至八月宣邊□臨墻求撫公力疾赴右衛偕諸將士嚴兵卧戈

閱九月撫成秋信已告竣陳公報至倒馬出關時下旬八日也卽于是日將欽頒旗牌符

驗關防并書吏文卷差官親賚交代訖又將
原領各勅諭進繳先是二十五日申時接樞
部插翎毛文書謂東情緊急分置諸大帥令
宣雲晉三帥入援保定公曰悞矣□逼漁陽
不合速速以衛陵寢乃迂途赴保定耶因矯
部檄具文發兵達居庸關馬上飛遞催新督
到任以便已入衛身先策兵行示九日途次
接奉詔旨賜劍印命公督師拜命畢捧劍印

荆疏逸史

殉忠實錄

七

入內廳事見座後屏幃大書文天祥正氣歌
一篇公仰視默然進臥室旁懸關公像公命
收貯之兆之非吉謂有徵乎公爲掩泣遂繕
疏云聞憂五月盼代眼穿今當離任歸奔忽
值東□內犯同仇赴敵分誼安辭云云疏畢
仰天號泣曰某先人之骨朽矣爲之奈何先
兩月已承恩旨寵封尚書三代公感國恩謂

以此質先公于九原無愧忠孝乃輕裝戴星

進發刻期抵京郊疏云臣非軍旅長材徒以
痴心任事誼不避難但自臣父奄逝長途慄
懷煎迫方寸憤亂五官非復昔時並以棘人
之身踞三軍之上豈惟觀瞻不聳尤虞金鼓
不震意欲求皇上另擇賢能而盈廷交薦如
李臨淮輩疏稱非公不堪公遂受事而語予
曰作備者誰乎樞部奪情并欲令予變禮適
觀軍使亦守內艱三人俱以不祥之服臨戎

荆疏逸史

殉忠實錄

八

一

心竊病之起復新督亦屬樞議欲令當事盡
敗喪禮以分已讐罪不滋重乎處心若此何
足任天下大事而與之戴君耶俟□退後必
廷詰之行五日入關步詣至恭陵行五拜三
叩頭禮禮畢俯地祝曰□□入犯仗聖祖列
宗在天之靈尙其殲之境外臣敢不竭蹶卽
入昌平城呼援師先集者祇標營宣鎮二枝

兵挑選勇猛入幕灑酒同兩帥及中軍揚觴

告天曰藉若輩之力先挫敵鋒俟關盜雲晉
師畢集會兵更圖大勦殫力奮勉毋負任使
如不用命軍法無赦時十月初三日申刻也
是日夜漏二鼓部傳聖諭平臺召對卽策馬
夜詣都門平明入朝上諭遠來入衛忠勤可
嘉賜全花蟒幣銀兩次問方畧公曰皇上命
臣督師臣意主戰上變色有頃曰朝廷原未
言撫這都是外人議論公云向聞樞部曾以

荆駢逸史

殉忠實錄

九

舞于羽于兩階七旬有苗格喻□宜撫皇上
云□與三苗不同三苗止負固不服□□乃
凌犯天朝大哉皇言謂議出外廷信有然也
又曰勦□與勦寇不同卿宜慎重公討寇時
身先士卒想亦稔聞天聽慎重一語真股肱
之誼哉奏對移時命出與樞臣及戎政總提
協鎮商量同時入對者並賜茶點特命賜公
酒飯時值輝珥抱日但下有襍色一股如弓

影反背公正仰視間上使一璫趨問主何吉
兆公應聲曰此滅□之兆蓋欲慰聖懷壯國
威也公飯畢出語占候吏占候吏曰日生輝
珥文明之象下有弓影反背或有不忠之臣
與謀國者相左耳公歎息良久備述廷對之
語疑撫之一字忽出剏聞公蓋不知長安中
紛紛籍籍謂樞璫密議講撫行且輦金幣入
東樞部有事小樂天之疏長安中錯愕相顧

荆駝逸史

殉忠寶錄

十一

謂樞部有樂天之說而□曾無畏天之心極
口啞唾公在憂未遑關聽今言主戰頗乖廷
議公亦不顧是夕詣安定門會議公就首座
畧謙謝而已蓋以平時朝貴靡不諂奉大璫
願居下坐公慮失朝廷大體就上坐復昌言
主戰滿座默然惟曹司禮出一言畢竟盧老
先生是正論及至夜分乃別 初五日皇上

發帑金一萬兩犒公勤王師余贊畫軍中並

叨皇恩拜受白金四兩公令余製成一杯隨
口占一語胸藏武庫遊戎馬手製金甌莫聖
朝命工鑄於盃以識賢勞盛事公卽於是日
謝恩辭朝樞部詣朝房擯衆語公寬懷而衆
臣俱神情消沮各齷齪不能出諸口片晌亦
無多言徒以勿浪戰三字爲錦囊叮嚀再四
公遂起別還昌平諸帥聞之咸舉手加額相
率慶曰督師意決主戰幾墮人胆今中樞戒

荆駢逸史

殉忠實錄

十一

勿浪戰且上言外廷議撫我輩可作勿浪死
歌矣而公乃言戰益力三鼓抵昌平皇上遣
內侍昇幣金三萬兩銀牌大小三千面幣緞
五千疋付公犒賞有功更賜御馬百騎鑲銀
鉄鞭五百枝以資撻伐公謂皇猷果壯若此
而樞部持議若彼無惑乎皇上之以議撫咎
外廷也公遂決意戰適聞初三日所遣將已

襄口首級報至喜動顏色犒賞如令擬諸帥

於初旬後畢集城下令各選勁兵三百約十五夜分四路十面襲劫□營直衝而過刀必見血人必帶傷馬必喘汗使□驚潰自殺若□臨時移動我兵就各分頭掩殺不難隨機分截轉其用不轉其體始終以此法大戰一場違者處斬軍令下纔忽於

十二日酉時接觀軍使手書大意謂十五夜皎月通宵不便襲師聞古人雪夜下蔡州城

荆駭逸史

殉忠實錄

十一

未聞以月夜我師分駐通昌去□營甚遠數日內恐□移營未免徒勞往返且騎師尤宜用寡若四路十面仍是張皇種種阻撓不一而三屯營陳鎮于是日亥時稟稱觀軍憲牌云□勢南逞業經飛調東行公頓足曰旣手書相阻復調散我兵劍印在我咎將安歸疏請分兵樞部發宣雲晉三鎮屬公號稱二萬兵符督天下援師而徒以二萬相屬意何如

哉在公務盡忠盡惟刻期督戰而已

十四日誓師鞏華淋漓慷慨公泣如雨下衆皆泣下沾襟而是夕漏三下樞部疏揭至云
□已南下督臣猶擬趨牛欄因復稟擬令督赴通與高監面商公嘆曰監云□勢南下樞復云然兩人如出一口夫我非避□走空卽爲偵探不確皇上將謂我何且令我赴通不過欲撓我師期耳出師之際兩經沮喪猶望克捷乎忿忿不成寐

荆駝逸史

殉忠實錄

三

十五日兵進順義約失襲擊京營三提督詣營中謂孫煥去京通牛欄各三十里可帶京營兵前赴策應先是曹司禮手書告公選京營勁旅二千協勦公極感其誼因卽命騎同行須臾至孫煥忽遇敵騎數百十騎公謂此零騎或前奮呼卽砍之而京營兵已盡散遁

去公單騎至十餘人相從拔刀束指計不返

顧謂一退走無一人得生恐後有大隊相逼
須陳兵疑之京營望公所向馬首亦漸東來
□遂遁去京營兵遂營于大馬房是日襲擊
之兵遂遇□敵言高監漏師與□所致塵戰
斬數十級報至公大喜飛騎凱聞日晡公旋
馬赴老營行伍亦散殺聲震地砲聲連發回
視飛埃蔽天少頃則敗兵俱下公疾呼中軍
詰之曰京兵爲□所敗曰曷至此曰□張兩

荆駝逸史

殉忠實錄

古

翼渡河引兵詰之□誑曰高公兵馬已而兩
翼環合奮刀亂砍疾如雷發走死無算雖孫
埃之敗與牛欄之捷兩不相蒙公慮失曹公
助勤之意遂分牛欄以掩孫埃因致皇上有
喪多捷少之嫌而中樞心正卿公竟不論賞
十七日樞部赴軍中公厲聲責之數其沮師
養寇之罪謂公等堅意要撫獨不聞城下之
盟春秋恥之乎且某叨承劍印長安口舌如

風倘唯唯從議則袁崇煥之禍立至縱不喪師豈不念麻衣引紼之身既不能移孝作忠奮身報國將忠孝胥失喪盡本來何以戴顏面立人世乎樞部覺語逼甚且病在制中不啻色戰心忤奮言曰公直以尙方劍加我頸矣公曰尙方劍須從自己頸下過如不能殲寇正未易以加人若舍戰言撫養禍辱國非某所能知也樞部沮赧遂辭遁云從來無撫

荆駝逸史

殉忠實錄

五

之說無以長安飛語陷人公曰周元忠赴□講撫經數月往返始事於薊門監督受成於樞部京營通國聞知復將誰諱公既面責之復手書斥之曰若能回心戮力胸中有如許怪事始終不向君上一言如其閃爍奸欺到底自當瀝血丹墀無言不盡也此稿載在樞部集中想鬼神不肯匿其醜耶先是欲公赴

通與高監面商正欲推撫字從高監口中說

出并微露撫議之久定也公曰某寧猶詔旨
必不赴通樞部遂疏云□之南下督應趨通
就監□未南監應趨京就督夫軍機何事可
供其反覆且聖明之前倏爾變換取旨直如
反掌是操何術與高監果詣安定門而兵過
京營後稱高公人馬卽疑爲□隨放砲人馬
共斃數十

時在十月十九日也是日公與高監先後至

荆駝逸史

殉忠實錄

夫一

安定門面商大抵公言受命勦禦責任艱鉅
非及早從事無以慰聖主焦勞謝人言懦怯
須合兵大戰以驅勦之高監云要戰不難一
二日合兵就戰但恐野戰□之所長我兵不
利反致猖狂必相其可擊而擊之嗟嗟□入
內地二十日豈卒無一可擊之候而後來破
省會擄各藩踞內地八月中曾見有可擊而
擊之者乎樞部所稱盧公出險着高公出穩

著其褊袒何如耶公於彼時見樞璫兩人情
詞閃爍終必害成遂薦新督陳公以自代先
一夕公語予曰昌平有督治鎮監而樞部令
新督贅疣其中殊不知其秘旨予曰公不記
密撫趙公之言乎趙撫赴密取道昌平語公
曰樞部云悞薦盧公此事不若陳方恒還能
了得今日令陳公坐營昌平而陳公又疏請
一旅之師禦□樞部意欲易公方恒知之矣

荆駢逸史

殉忠實錄

七

一

公何見之晚也公曰陳方恒不知兵畧直誤
乃公事耳樞部想稔知之予曰趙撫曾述中
樞平日以秦檜爲大宋忠臣趙應之曰檜縱
能忠何必盡殺賢良而自以爲忠耶樞遂語
塞觀前後叅論樞部主撫陳如其計旦暮撫
就矣假公具疏請辭云臣若喪疾蒙恩候代
適新督後至遂縮督師之符此時宣雲三鎮

原屬新督兵馬新督坐置閒散其乃越俎代

庖不若易哭踊之某用新發之刃足辨此□
樞部若得此疏自露本怀公果與樞部語樞
部唯唯公乃回營笑謂予曰君言驗矣須臾
□報三四至稱續來甚衆公一時忠義勃發
不忍坐視他人血指復移書樞部云擬薦賢
爲國此時續報東□沅沅而來不敢復言矣
于是酌議標兵前後左三營分隸新督所存
三鎮分布德勝安定東直西直門外以衛京

荆楚逸史

殉忠實錄

六

師乃日夜磨厲謂須□□頭以上報恩遇如
中樞復掣我肘寧捐軀決胆決不忍任中樞
袖中捏成宋元故事因大聲曰我太祖迅掃
妖氣如開混沌得天下之正並于舜禹僅三
百年而混沌復起人心高皇帝在天之靈能
無恫乎執議挑戰日斬北級赴解樞部增固
營壘亦不敢攻掠城堡難民口供多言□衆
待撫相約勿動如撫議不成卽開營南下

時十月二十二三日也無日不聞此語至二十五日報稱順義地方開營苗頭向南正與東直朝陽等門相對是夜卽選標鎮兵四十徑從壩上等處進發

二十六日申時□□大營精騎俱自壩上大馬房等處直衝東直門相去不過二里各營兵奮勇血戰移時□吹鑼栗收營是日□傷甚衆斬級甚多

荆驍逸史

殉忠實錄

九

二十七日至二十九日連有斬獲公亦披甲冒陣戰馬長鳴立斃此馬素稱神駿公特爰之豈慮公輕銳以死諫乎可怪也
十一月朔日宣帥獲蟒甲銀盔□日首大如斗

初二日□分三股頭直攻我營我兵埋伏四起砲夫擊打落馬紛紛後分五股頭連攻五陣我兵奮勇砲夫齊發□多損折退回

初三日□大隊徑撲上城關諸將士齊力奮擊自己至未□衝數次我兵炮如雨下擊傷者無數□負屍馬上去□營號泣聲聞數里難民口供云□稱炮爲骨碎是夜□大隊營于土城北予告公曰□可擊也彼安營未固不似老營公卽命諸帥潛移大炮漏二下炮箭齊發□不及爲炊卽拔營南奔

初四日早□營尾在西直門予謂公曰□衆

荆驍逸史

殉忠實錄

三

前驅勢不能掉頭回顧正可躡尾擊之復大獲俘斬甚多□遺大炮臺一座皆京營字號是日酉刻公從德勝門移營安定門暫憇慈慧寺命束輕裝南發鈔出敵前欲沉舟破釜與□交壘惡戰而是夜戌刻接得部咨議令督監二人一人領兵追截一人扼守京通遂未敢輕動候至次早尙未得旨公慮□突奔益遠追逐愈難飛章馳請至

初五日申刻奉旨着督監併力同心勒限驅
勦而□於是日已抵良涿誰之咎乎公立刻
宣諭標鎮於

初六日五鼓兼程前進因高監從通南發遂
趨固安擬與會師整隊合力驅勦且謂□攻
良涿便可鈔前迎擊不意□騎奔突捷如飄
風五百里不留行蓋因炮矢攻打□破驚懼
且知官兵須糧州縣勢不能行便可恣意攻

荆驍逸史

殉忠實錄

三

掠

初七日前來難民口供□分三路一從涑水
突犯易水一從新城突犯雄縣一從定興突
犯安肅俱在保定取齊行前公聞之初九日
自涿州戴星起程先是涿州相國郊迎十里
籍草交拜公營涿州北關相國抵掌談兵事
竟夕偕予三人卧一上坑一勦卽起相國出

千金治牛酒命長公予馮子淵特犒三軍於

諸大帥各行花幣禮後又予繕竒門六壬碟
用天文家言推日吉凶之數于公公命藏之
後亦見其多所驗云

十一日師次保定與高監會師召集諸將插
血矢誓各徧精兵分路掩擊本日戌時王樸
報稱涇陽大捷獲級二十顆公曰□信可擊
乃督全師合勦予督陣勢擬此番血戰□必
大挫其鋒

荆疏逸史

殉忠實錄

三

十二日果於慶都大捷獲級百十五予亦手
斬二級公乃大喜撫予背上馬殺賊下馬
作露布君真無媿矣惟時高監亦並奏捷公
擬再欲數陣□便回首忽接邸報見楊編簡
之疏已觸當事中有南仲在內李綱無功潛
善秉成宗澤隕恨之語適密撫趙公捉獲奸
細梁四供稱鄧高祖合謀不軌等語鄧爲總
監希詔高爲總監起潛祖爲遼帥大壽也一

時長安闕然奸人內佈趙撫係公所舉編簡
謫發軍前贊畫趙撫卽命逮公歎曰兩公危
予亦從茲益殆然非直此亦天實爲之於我
何咎哉

十七日早同贊畫楊公驗明功級委官解部
卽於是夜行次完縣予病留保定嗣後不能
詳載一切要之芻糧不給內外摧殘公且日
蹈危機而在保定已見告矣清苑令左某其

荆駮逸史

狗忠實錄

三

人以饋餉不前公憲牌手諭云再復遲延致
三軍枵腹當以軍法左年少服官初試爲縣
令不任受督責遂倚璫爲援激怒方總監樹
公敵方卽移書讓公云頓兵堅城之下不進
不退後之大事將何以濟後于明旨中屢見
頓兵堅城之語旋下兵丁不許近城之旨想
方監飛章中公乃至不可解者及次真定地
方而真撫張其中窺見中外合意擠公遂閉

關絕餉公遂移樞部手書云軍中缺糧已經五日該撫按許先給一日之糧而領官自未刻候至申刻自東門轉至南門城門扇鎖自內傳出云天色已晚止有折色奈有銀苦無買處其各營不守法間赴村莊尋覓草料卽訪得二卒揮涕處斬人馬骨立弱者立而就死強者挺而走險皆不可知已七尺微軀不敢自有此稿並載樞部集中噫公此時眞力

荆襄逸史

殉忠實錄

十四

盡計窮矣因向各將士大拜四拜一勸其以死報國一勸其忍餓衝鋒欲啼無聲欲泣無淚嗟嗟兩軍對壘之際安危生死判在呼吸而該撫按現任地方聽公哀懇疾呼不急相應而徒事卸責于公一日之內疏揭五六上咸語公擁兵不救之狀傷哉傷哉相國劉綿竹又特揭擠之遂奉革任聽勸之旨時劉輔欣然奉命總督捧劍印行矣其幕客某人私

語中翰公尙友周先生云臨敵易將兵家大忌此聲一播將士疑駭總督且革任吾屬若何事宜少耐設變起倉卒奈何予弗願偕行中翰公急語之劉輔不覺一時色沮因求同官叩闈改授督察公鑄去尙書照舊供職嗟乎公非中翰一言早被就逮矣且此事豈豎駮書生所可任而兵士素愛戴公故搏沙作飯剪木飼馬猶能哨斬于涇陽大捷于慶都

荆駮逸史

殉忠實錄

五

闖營于真定鉅鹿趙州皆有斬獲之報陵寢之松楸無恙京畿之雞犬不驚士馬銜枚師行有紀歌誦我公者皆磨牙而願食劉輔之肉然要無救於公之危亡公將二萬分援郡邑已減十二而山西僞報謂賊走雲晉越固關樞部等之兒戲遂露章移檄命公督師出關公歎曰將在外君命有所不受而樞部於千里之外事事牽人右臂可奈何軍中正告

餽竭而雲帥王樸一聞樞檄遂率其一旅以
行去此一枝則區區殘疲不滿七千空被督
師之名而使之徒手搏□明明置之虎口而
使莫脫且高監宿重師于東南飛召援引而
反退百里意何爲哉祇因□南下時須偵□
苗頭西向真保樞璫合謀奏請督分西南監
分東南旋復票擬責問西南□勢獨重既下
併力同心之前旨而坐視不救後來東省大

荆駮逸史

殉忠實錄

三

壞至不可名狀絕不問□勢東南獨重閣部
真弄明旨於掌上哉樞璫蒙主罪何如也公
於彼時輸挽既無可望疏揭久復交攻環顧
中外人情盡伏危機以相嫁禍明旨頻責尙
方告奪嗟乎我公呼天罔應剖胆誰知平時
指天誓日爲千古英烈與關壯繆斷頭馬革
裹尸每不去口臨危授命豈其所難特公死

後求如公者安在哉縱不爲公計寧不爲朝

廷計也公歿于鉅鹿之賈莊

時十月十二日先一日公已自分必死謂贊
畫何辜立出文憑促楊公詣請真餉卽去親
同大隊逐□營戰有都司袁應奎暱公語公
少却卽命斬之宣晉二帥及中軍皆伏地請
死祈免應奎公下馬按劍髮上指并數諸帥
罪誓於今日見□如不獲遇卽斬首以殉行
十里見埃塵蔽天便策馬迎頭對壘公督標

荆駢逸史

殉忠實錄

三七

營居中虎帥張左翼楊帥張右翼兩軍各拔
刀引滿相向有頃右翼兵馬引却□卽從右
撲上公遂舞刀大呼與左翼一齊捍殺□非
大隊約半萬餘騎公忠憤奮勵一時精悍之
氣足賈三軍靡不勇氣十倍□大敗半落馬
走呼云姑姑村人呼爲野僧將白梃亂擊之
公砍一□日落馬夷官楊進朝助公擒之係

累還營侏偶墻下乞生求死狀若猿猴尙多

爭狩之意殊令人怖公草疏獻俘聞虜果四起纍囚向譯使泣曰我衆將至那顏必殺我矣夜三鼓大隊圍賈莊至卯刻南正又來一隊萬餘匝圍三重公周視指揮虎帥西面楊帥東面南北二處副將等官各埋大炮炮不亂發公號令呼炮役某人某卽點放亦用大砲攻營我營對打發百餘炮自辰至午未攻打不退矢盡藥窮西南□衆紅旗四面頂

荆駢逸史

狗忠實錄

天

頭就上公大呼齊殺營中對面不相見虎帥猶能認公力挽公馬公不肯出圍刀刺其手猶勒砍拒衝左乳忽冒流矢隨抽矢去鏃震聲撲砍後腰一箭左右股各一箭公猶能強戰傷於公手者不可紀□大懼公雖死而西南半壁不敢宿一騎掃迹東馳而三郡屹然公特受傷甚創右腦後一刀右腮一刀面門

一刀從鼻至耳界被顛骨是日怪風發屋天

昏霾日無光日旁有兩日如卵大色白如月
後又屢見占者以爲不祥義勇顧憲從公歿
於陣殉公者掌牧楊陸覲臨洛人也無陷陣
材誼不敢脫身走死後肢體相依噫可不朽
矣時予寫在保定先五日前聞公奉嚴旨憂
煎廢寢食念公平時嘗謂事克死如歸事不
濟一死可惜予於十一日作書付撥塘馬相
慰勉而塘馬卽於是日不通十五日劉督察

荆駢逸史

殉忠實錄

卷一

至保定予約司禮主事約同赴軍中

十六日早起行抵二十里舖在馬背上望見
都司楊士祿卽呼告勿前往予曰何爲楊曰
大兵潰敗矣一舉步前卽送死予仰天大泣
意公必死楊曰未也然亦相對而泣劉聞之
卽遣師保定三日後始行嗟乎怖畏若此督
察之能已見於天下矣楊都司手持公令箭

謂可相依入都遂挽予馬同行馬上相語各

各鳴咽予扼腕呼告曰尙有一事藉重乃掉頭泣不出口楊亦心相喻徒流涕而已

十九日行次涿州墮馬折拇呻吟號痛遂阻於涿州

廿一日申刻得報公果死嗟乎嗟乎來書云於十五日副將劉欽獲得公軀昇至新樂縣贊畫楊公迎至真定東關盥面刮髮拭抹塵垢見其鬚髮班班一慟欲絕撫按素相識佯

荆駭逸史

殉忠實錄

三十一

若不辨者一卒號泣曰此我盧公也使羅拜衆皆拜予乃覽畢泣語范陽相公范陽公亦泣卽肩與疾赴真定而旁無從者止一門役一夜役立時告去予孑然一身病卧范陽宅中日夜悲滄至除夕之夜聞公猶未殮恨不能生兩翼慘傷之極矣

明年初六日聞邇卒俞振龍從軍中偵公者死杖下益增慘慟蓋謂偵報之語俊張忠勇

篁楚三日夜逼令吐實俞曰無他寧死斷不以一字誣沒忠良

二十三日公僕芮勤至涿予卽同伊倩騎赴真定見公藁殮柩猶停太僕陰房鬼火燼冷予觀之慘甚泣不能起時有兵丁十六名乞假歸予卽焚香設祭爲位哭之祭畢增治羊酒胡餅犒假歸兵令去予與芮二人日夜撫公柩而泣幃簾香燭以漸而備柩木亦刮漆成禮先是朝議淆語不敢畢殮徒編麻縛之予痛念幽闈經五旬不閉縱忠魂不朽如體魄何當事卽以專擅罪我何惜此區區焉二月初八日遂大殮

二十六日公胞弟至遂同赴郡請卹傷哉予偕公數載竟以如是終生者何心能不悲哉予哀之天下人賢予之哀予哀公死天下人賢公之死然則公千載不死矣予何哀哉遂

拭淚奮筆而爲之記記畢適值公之諱日又
不勝悲慟云

荆駢逸史

殉忠靈錄

三

盧公遺事

義興桃溪上二十里爲蒼嶺翠峯萬仞司馬
九台廬公世居其下有年公大父儀封令荆
王先生出居桃溪旋居於邑邑中名宿悉奇
公俱願引爲同社時公年猶垂髫至辛酉登
賢書壬戌登文震孟榜進士釋褐還里值儀
封公捐館舍未久公哭泣盡哀又值元配汪
孺人病篤撫公手泣曰妾弗克終事君矣幸

荆駝逸史

殉忠實錄

卷一

兒女手囑公願納一媵撫之繼妾者必名家
閨閣恐弗能爲吾兒女饑寒也公以大義故
深難之孺人嗚咽良久請無俟再封公勉赴
維揚出囊金買妾公素嫻雅揚郡爲之譁然
謂少年新貴多願請爲妾有一淑艾負殊姿
艷冶絕世欣然樂歸公焉公徐起正色曰予
願致身事君寧肯以精神銷于粉黛耶且大
父喪甫期此事可止謝却之廉一鄭重者娶

而歸弗卽御時翕然稱公賢孝謂他日必有
大建監云已而筮仕計漕差清源典倉務卽
舉卓異燕豫人爭欲得賢守乃守天雄數月
加副使銜行太守事復兩舉卓異聲譽滿都
下三年遷天雄兵憲半載加按察使銜行憲
副事時流賊擾畿南公練鄉勇督銜役率持
兵仗討賊賊聞風遁去公以是有能兵之名
賊破鄆卽命公撫鄆鄆民安堵賊至楚豫勢

荆駢逸史

殉忠實錄

三

如燎原楚豫爭欲得公撫之公撫楚三月寇
悉流入豫日殘數十邑豫人又欲得公爲撫
勢不可爲時事危難又非公不解廷議推公
爲總理五省後賊所經處悉欲賴公公遂總
理七省兵務時公譽望震寰海有里中人輒
以爲公孱弱書生一旦爾爾殊出人意料也
予心慕之甚欲抵幕觀其能久已

丙子秋□人犯公督勤王師詣都門師至□

卽退□實聞公軍聲懾而遁去事未移不敢
爲公綴然□駐良涿公至良涿非無據也時
天子倚重公卽命公督宣雲人共講公賢勞
久矣宣雲三載□入三次復以此苦之共爲
公扼腕公慨然曰我當爲其難未抵任出居
庸關行二十里揮軍指顧謂此吾所督境也
我願窮日夜之力輔此殘疆何暇俟建衛後
巡行東界耶故事大督行道士馬羸分兩翼

荆駢逸史

殉忠實錄

事

傳呼旌旗蔽空行道之人十里外卽伏匿裨
帥以下箴矢挿房介冑蒲伏道左公獨徹擁
衛坐馬上行東界六百里呼堡上老兵先問
疾苦徐詢邊形勢以至風土物情盡在公心
目中矣而老兵不辨何職車過問之始知大
督也丁丑二月公尊人念公特甚赴白登東
幣臨弓門爲公延入幕予慕公久謂士君子

夙有志願得交賢公卿大夫乃幸甚卽就聘

月之十九日按徵書聘禮二十一日過就道
公聞之謂真男兒胸中不掛一家務者倍相
器重一見歡洽殊至抵掌三晝夜不寐旋引
萬騎出塞外縱歷塞外諸山登極峻處指點
插夷三十六家諸巢穴其吞胡繫虜之氣真
有空上單于臺之意吊望諸君之墓嘆漢室
規模未遠也獵騎驕嘶解鞍放牧草色連天
雲錦布地壯哉軍容若此寧令烽火達甘泉

荆駢逸史

殉忠實錄

美

耶較獵來歸宣邊告警卽相與連騎星夜赴
之警息公卽闕兵後調度旬餘每晚各啜三
盃熟睡丙夜呼醒道問生平予輒誦乾坤老
腐儒之句三歎而已夫何言公詳道其歷履
自主政督撫歷歷不遺一事把臂兩年風雨
晦明之夜卽卽忼慨道艱苦因得憶其詳焉

公計部主政時從大司農入銀庫見主庫者
抑抑若不勝事公深知糴途斯氣折後授庫

差堅不受差清源倉謂我必須作錢穀吏耶
苦之適魏璫煽虐焰離一步亦屬清涼境遂
赴清源差下車之日行厥視舍見倉米盈鉅
萬計歲耗亦糜萬石而豫境旱魃爲虐無現
糧積逋至五歲民間賣兒鬻女揭瓦負楹不
足飽石豪之腹正供未遑計也公心傷之卽
拜疏請作折色一時赴折者恐後懼不沾仁
政而逋糧悉清得羨餘三萬報之司農舉公

荆襄逸史

殉忠實錄

毛

卓異間從朽積中令簸揚得穀不下數千石
此皆惡役虐取糧戶而斃沒之者公悉歸之
廩以作糧戶之實數而舉手加額者萬家時
三藩赴邸藩艘噪呼等諸暴客公豫置布囊
運米峙崖舟及水次卽令滿載藩舟亦服公
能戒勿停擾而猾胥奸吏無從作弊從可知
已

已而守天雄多美政郡人口碑到今者未易

更僕數而燬尼院剪盜魁尤稱快事云尼僧誘名家女與諸惡少通僧戶聞然不聞屢聲而院內已不減青樓紫陌實由地隔通衢里許外民家草舍中觀燈節稱大集公聞之黥其人火其居而風俗羞淫又有盜魁馬翩翩巨室家兒爲大盜洲藪俗稱九省通家通都中白晝攫人財行道入莫敢仰視探囊拏篋歸數其實而分之往來者門庭如市竟莫敢

荆駮逸史

狗忠實錄

三

誰何多藏之家比戶嘖蹙不敢安寢平時覬遣郡縣特憚公弗敢耳公常服坐馬上獨行無從往卽擒之有少年露刃冲騎而前問馬翩翩作何狀公應之曰已擒就戮矣少年不識爲公卽跋馬飛去幾幾俄傾生變公輒彈指取之立棄市無幾時爲請寬假者案上牘已山積矣郡人服公神明焉

已巳□薄都城公拔劍砍案曰大丈夫獨行

取□□耳募鄉勇給十日糧兼程赴□□退
詔還寇興公馳行部內嚴檄州縣繕城治具
聞至郡境卽追捕之一時籍籍稱能兵遂遷
天雄兵憲寇不敢逼三郡後賊勢繁重逼臨
屬三郡人相向泣曰我族無噍類矣棄家避
寇保抱攜持若崩厥角公星夜赴援賊卽引
退賊衆相謂凡盧公境內戒勿入盧公亦無
越境逐我公嘆曰吾以隣國爲壑耶時公有

荆驍逸史

殉忠實錄

卷一

第三子殤公單騎離衙舍十里弗暇停驂顧
問寇退三郡人謂我公生我家家戶祝弗衰
一日寇經廣府廣民奔趨郡城廣守懼恐賊
與民混入遂下關洛時民間父子夫婦後先
麇至半落城外離散相失悲聲動天公追臨
廣急呼啟鑰盡縱之入與守語曰民爲國本
何得閉城棄之寇來我爲爾捍敵徹夜巡行
城外不下馬解鞍明晨寇速去廣民戴公如

慈父母數年之內畿南三郡藉公佚息賊懼
不得便乃南渡河河以南所至殘燹鄆屬無
完城乃簡公撫鄆畿南之民哀失父母謂賊
求誰禦吾儕小人登几赴俎無幾時矣公啟
途萬衆擁馬首稽顙呼天引領向公曰勢不
可挽可奈何人選一錢作萬人帳歌誦日泣
匍匐五百里臨河乃返公詣鄆六城盡陷寥
寥子遺晝夜烏從靡所栖止公次第繕葺募

荆駢逸史

殉忠實錄

單

商採銅鼓鑄稅羨糴穀貿易撫字瘡痍六城
生聚徐有起色賊又蜂屯公引兵追捕山阪
峻險懸繩裹氈公一振呼靡不勇氣十倍賊
不敢聚衆爲炊惟恐望烟追逐隨谿填塹積
骸如山鄆于是復成巨鎮云公甫蒞任鄆非
特凋傷滿目殘兵缺餉勢岌岌行且爲賊公
卽草疏呼請先解銀盔靴帶銀百兩推牛作
餅爲衆飽餐衆搏顙呼謝公諭云朝廷餉卽

誓缺特後至耳爾衆敢背義作賊耶今與爾
衆約有懷二心者無赦衆屏息俯首誓死無
他後有鄧帥尅餉兵譁從關門鼓噪而下公
單騎赴之衆相率蒲伏泣訴公隱其情呼鄧
帥赴漢壽亭侯祠宰牲饗祀隨草祝板曰有
營私剝軍者神殛之鄧面如土色請死他帥
來俱神明事公以是兵民和輯民死守兵死
戰城鄖大治鄖隣楚楚人雲霓是望公朝議

荆驛逸史

殉忠實錄

早

卽命撫楚寇懼而流入豫遂推公總五省已
而總七省公以是逐日在馬背上發七省行
移每見作檄墨瀋淋漓馬鬣間誠哉能於楯
鼻上磨墨者矣公拜七省銜受尙方劍呼羣
帥誓師發兵時賊奔東南星夜追逐遂移檄
准撫令堵去路五晝夜追至滁陽環滁皆寇
城岌岌將下公麾兵急砍城下之寇如疾風
捲斷蓬片時立盡檢斬數萬滁水爲赤滁寇

既靖州人疑將軍從天而下也公遣一裨將請糧卽竿其頭繼遣又欲斬之公自臨城下幾中炮石非行太僕李公識面馳救公已不免矣州守劉大鞏腹戰股栗無有生氣公曰監儒姑慰遣之維時卽築壇祭亡將屬縣爲殮號泣而行兩日公猶隨淚公平時撫卹將士不啻吮癰挾纊軍中絕三日糧公亦水米不入口以是得將士心使滁陽乘勝驅勦可

荆驍逸史

殉忠實錄

聖

收全局惜淮撫不能堵截滁師又羈半日行遂致賊得集散亡首尾連營還向楚豫公整兵追勦連戰數捷賊遁老營自公受討賊之命閱三載賊未敢墮一城公特受辛苦晝夜逐賊一夕露地倦卧曲左肱作枕右臂牽挽馬勒睡中聽馬蹄蹴踏聲遂大呼躍起蓋賊探知公不設備遂大隊夜行聞公呼躍反疑中伏死奔達曙已去百里公連晝夜追逐三

百里斬獲無算設露卧酣寢一軍皆醯矣又
一夕大雨投宿蝸牛廬中平明視有腐屍五
軀縱橫地上公所遇多人世大不堪事直適
然而已公真畸人哉

丙子夏溽暑休兵公疾走秦關欲與洪總制
共商兵事時洪公三奉嚴旨累鑄五級兵氣
亦漸不揚公爲憂之謂朝廷辦賊恃我兩人
設洪公以法罪罷便成孤掌奈賊氣何還次

荆楚逸史

殉忠實錄

聖

潼關遇賊騎野掠偵之乃知闖賊隊伍賊起
凡數十家惟闖梟獍僞稱王今日稱闖將者
乃其奴也其賊暴屠戮俱出人意表朝廷懸
重賞購其頭時適遇之祖帥寬奉公命拍馬
直前須臾取闖賊頭懸於馬首軍中齊聲喝
采擁至公前公喜甚旣而撫寬曰是誠上功
顧關門爲洪制臺轄界須以讓相成寬以係

軍前立功收此奇捷何肯多讓數請之公不

允乃善遣之謂麾下宿將何愛尺寸倘獲朝
廷一臂免天子西顧憂他日必有忠義之報
洪以是得拜復級受上隆恩公素歎才難而
朝廷又需才甚迫如洪公者復不易得公因
喜甚意兩人左提右挈賊不足辦賊亦求撫
甚切詎料□騎臨城天下勤王再賜尙方督
天下援師□破良固等邑如瓦解惟涿鹿一
城馮少保散金募士固守仰攻不下相持旬

荆驩逸史

殉忠實錄

四

日公率援師來先聲至□卽遁去時公兩足
裏創甚苦咬牙耐痛力疾介馬逐□直出冷
口救護難民萬餘天子命輦金分給賑之廷
議簡公中樞天子慮宜雲非公不可乃特命
督三鎮兵公審知餉缺斗米千錢且內外芟
逋額難以軍法行力請屯牧行兩年生粟三
十餘萬是以公朝夕占晴課兩均土地之宜

卜美種播降耕歛之時牛羊擁塹之糞如老

農之治稼無或少休秋大有獲軍民熙熙樂
甚幕下客林幼藻同予賡詩紀事朝廷之內
有心時事者靡不羨公謂能於宣雲一望砂
磧之地今且化爲沃壤也有關寧道陳公懋
德者來使曰主請公之法效之天子嘉公有
文武才爵賞頻加傳諭九邊以宣大爲式然
而有治人無治法非公以實心辦實事弊且
滋矣公勤勞過於下吏予同公起居數歲未

荆襄逸史

殉忠實錄

星

見公有一夕貼席之安子夜刻燭雞鳴盥櫛
夢寐時籌思獲一事霍索披衣坐而待旦薄
書之暇輒趨射圃命將較射公亦關弓滿發
矢無虛發時以箭羽啣花插五十步外公發
矢較中多寡又出塞較獵公飛矢中狡兔兵
丁皆爭伐狐擊鹿生弓勁弩耳邊吱吱如餓
鷄叫不絕遇平坡卽與大帥席地灑酒講論

兵法愜慨言□□頻犯不覺髮監督裂公之

壯懷直欲封狼居胥抵黃龍府然公豈嘗習
於威武而樂與死寇角遂僥倖茅壬之賞哉
皆由天資忠孝鬱勃于中而激發於外所以
磨厲將帥而作之氣耳諸帥聞公言皆起謝
公復與較射發數十百夫跨生駒潑刺而還
同予入幕兩人相對捫虱借箸爲籌卜請守
邊因借卜以通哈馬哈來市馬思借哈以制
東□靡刻肯忘□□必欲繫左賢之頸以上

荆驩逸史

物忠實錄

吳

報朝廷雪遼陽數十年淪棄腥羶之恨丁丑
之臘冰堅渡河由汾入套行兩晝夜欲窮□
穴披荆棘踐冰霜指隨膚裂逐者凜凜不能
留而返公志欲東復遼陽西復套北屯大寧
佐天子中興之業功成引退急讓賢路從赤
松子遊以終其年嗟乎寧非天限公耶

戊寅三月□逼宣邊適公懸弧之辰是日稱
觴祝賀忽傳鼓啟鑰須臾一大牌從馬上飛

至予輩望見告公曰警報至矣公卽起曰吾
兩人先往相攜躍馬六十里至天成令箭羽
翎文書狎至公語予曰度□若何予曰頻年
□來如迅雷聞卽至今宜撫告急猶不言入
口觀關門獨石報□驕又應抵宣數日矣且
云馬蹄蹴踏濶四十里烟塵二百里疑大舉
非零竊豈其欲窺雲晉以虛聲擊宜令我軍
馳東驚西首尾失算以圖進志耶且勿徵雲

荆襄逸史

殉忠實錄

聖

晉兵合枕戈卧可耳公曰我正疑之夜分發
符傳諭雲晉且勿動軍次左衛得報云有□
臨墻亟問某某皆當年撫插官名也公曰此
插□求撫耳星夜馳入右衛戒撫□使者曰
若輕言賞字當斷汝舌卽拜疏人慰皇上可
無焦勞始終執撫插不撫□許市不許賞之
語插實同□來且無貨原懷闖邊意由邊熟
道聞公兩年治邊惴惴不敢犯往復講撫旬

日有差公曰○懈可擊令哨撥探三十六營
離邊墻八十里密檄雲帥從西來宣帥從東
來公率督標下午出草房堡刻期鏖戰先二
日○已遁去右衛臨邊墻咫尺公同予一榻
兩人俱不解帶卧呼予相告曰吾赴○日篋
中銀止有四十兩留給家口假以是月得去
妻孥何術還里待罪茲職實足寒心噫公之
忠勤廉潔鬼神鑒之耳且○十萬騎臨邊非

荆駝逸史

殉忠實錄

四

公熟爛兵畧必張皇失措飛檄調援匱財出
師如護湯螃蠏手足困措誰能以正言折○
不加一矢而退乃在中之人猶謂○未入口
無血戰之功誠哉徙薪曲突不若爛額焦頭
可嘆已一時文武將吏莫不謂宣雲無天塹
可憑以是申奏前旨云如匹馬不入薊門加
等論叙公臨邊匝月而匹馬莫能敢入豈竟
無功且入則論罪不入則罔功何以示勸衆

乃積積不平公折之曰爾等荷戈霜露不謂
無功來第□三載輒犯三犯三人何不早似
今日作長城拒□勉之秋防宜密當并爲汝
輩請無何公以外艱聞邊庭將士人人泣數
行下謂三年論罪公來治邊方得首在領上
奈何奪之去時有疏乞留公者公正哀毀之
際聞之三踊而號曰吾死矣夫吾死矣夫氣
絕而復蘇者再予乃執手謂公曰聖天子以

荆楚逸史

殉忠實錄

吳

孝治天下必獲辭公連草疏十上乞奔喪去
言詞哀愴凡爲人子靡不惻惻然動念天子
與廷臣語謂父死在途如何叫他不去公聞
之望闕百叩曰恩與天壤無極親生之君成
之寧徒以爵祿爲榮哉今真成我矣奈苦無
代公者惟蜀中陳公充之上命料理候代幾
穿望眼終日撫几筵而常慟予在旁日夕勸

其順變節哀公拭淚告予曰朝廷須才誰屬

後來之彥君家夾袋中摸索誰否子素稱石
匏吳公留仙馮公兩人皆不識面因細問其
能予盡述二公之才品公謂去國之身惟薦
賢報君耳適馮公掛吏議鏤級去公特疏請
補放邊道樞部手書云某之得有今日從未
於意外行事蓋謂薦馮一疏乃出意外公爲
之一哂而馮究亦不通一刺予曰此叔向之
不謝祁奚也公益大喜公在哀毀之中無時

荆駢逸史

殉忠實錄

辛

志君國非勉然也公平時觀蘭王見擢輒覺
心痛至八月旣望插復來邊牆求撫公麻衣
草履力疾赴右衛撫之宰牛馬掄刀說誓而
還秋信防竣陳公車轍纔抵恒陽公避於署
十日猶未代而薊門三協已傳烽告警矣公
於子夜專官賫印交代訖而翌午又有旨命
公督天下援師印一顆尙方劍一口已達公
署公仆地哀哭憑尊公几筵慟而欲絕謂生

不能溫清死不能視含殮今又不從徒跣歸
且我衷曲既亂之人安能爲朝廷監結草之
功乃以此事相苦弗肯拜命奈軍興危急徑
返旬月始獲聞命寧不以軍機旁午取罪辱
親假令父終寢室而暴寇臨門雖父在呼吸
危亡能不舍哭踊而禦門庭之寇乎公乃勉
拜時樞部楊公手書云口攜男婦老少俱來
必係西插移家定非大舉公可取便封侯矣

荆驛逸史

殉忠實錄

五

公嘖蹙言曰吾豈以封侯爲樂第國恩深重
不無犬馬戀主之心耳使我念及封侯則忘
親逆理狗彘不食況今日吉凶之事雖三尺
童子知之何敢希望意外楊公實以是言作
香餌釣人寧知非公所意計耶行五日入居
庸關天子令陞見平臺召對時廷議主撫而
長安公論方以撫字咎樞部公謂城下之盟
春秋恥之亦並以撫議非是因而樞督相左

卒無成功後遂戰歿於賈莊廣平鉅鹿邑轄地也嗟乎公兩服畿南惠施三郡討賊禦□皆於斯土而又死于其鄉焉公於三郡何如哉然三郡之民所以報公者非尋常也生之日家設一壇歲時瞻禮死之日合謀叩闕除地爲祠以竭歲時伏臘之奉戶不分少長男女皆爲流涕甚有痛公之亡發狂疾死者三郡之報公真非尋常且當師次南宮三郡之

荆驍逸史

殉忠實錄

卷一

父老子弟奔趨來迎無異孺慕久離忽而相聚造膝言歡轉相啼泣勸公進兵廣順呼召義旅三日之內羸糧景從者當有十萬兵破□必矣吾儕小人誰非公生者昔非公已死於寇今非公亦死於□吾儕藉公之威重合衆助順出懷中之赤子效死當先靡不一以當十若徒率此饑疲之衆我恐孫吳束手况

樞部以晉中僞報檄師出關明以三鎮之兵

久若懷歸而又奉兵丁不許近城之旨馳兵
四絕之地而缺餉旬餘樞檄關傳勢必脫中
呼噪云帥王撲已見告矣公其圖之公泣語
之曰予督師至今日未曾喪師潰衆而所督
馬步兵止逾半萬且口騎在西援兵遙遙在
東乃今嚴旨已下吾旦夕死耳無徒累爾父
老爲也衆號泣聲如雷震各攜床頭升斗餽
餉軍士間遺棗一升公責爲糧私語從者曰

荆襄逸史

殉忠實錄

卷一

與其死西市何如死疆場吾以一死報君上
猶恨其薄耳嗟乎公雖死而西南從此絕
迹三郡之民公死猶能庇之無感乎三郡之
民戴公爲也殉公死者楊陸凱臨洛人也其
父聞之謂從公死可含笑於地下且洛人藉
公得餘生十年今以此報何憾焉後口騎至
臨洛洛關比屋死者甚衆而楊之戶以內都
無恙誰謂天道無知哉公多隱德而又身死

王事天道當何如耶今錄公遺事而不及公
隱德不以大節著也錄遺事而不詳公之大
節別有戎車日記備載之也

殉忠實錄卷終

荆溪迎史

殉忠實錄

一

袁督師計斬毛文龍始末

李清撰

崇禎二年己巳五月二十二日遼東督師袁
崇煥牌仰旗鼓司查東江官兵在清江者給
賞隨登岸輕騎標下各官當有龍武右營都
司金鼎卿帶船二十八隻接應俱列坐觴酒
二十四日賞東江官兵每員行糧二斗登岸
試放佛郎機大炮遠者相去五六里近者相
去三四里登嶺之顛極目指畫形勢云可議
屯也

判駢逸史

毛文龍始末

一一一

二十五日午時分東北風起自北汎江間洋
歷大王山風轉是夜大霧諸船在大洋行一
夜次早收泊中島

二十六日齊泊雙島

二十七日南風極大未開船見本島白骨暴

露各戶口齋發立散諸將領有登州海防左

營遊擊尹繼阿叩見蒙調兵船四十八隻到
來

二十七日午時風順開船歷松木島小黑山
大黑山豬島蛇島蝦蟆島諸處遂泊島山此
處離旅順陸路十八里水路四十里旅順遊
擊毛永義叩見登島嶺謁龍王廟督師向衆
將云國初中山王開平王諸君始戰于鄱陽
湖采石磯再戰于沙漠北平水戰勝馬步戰

荆駝逸史

毛文龍始末

一一一

亦勝故得驅逐胡元以成一統今水營止以
紅船自守豈驅騎入水戰乎本部院若復河
東不以水汎草草了事且並用之於陸地各
將毋得虛冒賜各將酒飯快船稟報毛帥已
到未見

至六月初一日毛帥見上下交拜毛帥親進
禮帖三封小飯三桌傳入船去毛帥側坐茶
叙既敘小飯面與毛帥叙云遼東海外只本

部院與貴鎮二人務必同心共濟方可結局
本部院歷險至此欲相商爲進取計軍國大
事在此一舉本部院有箇良方不知患者肯
服此藥否毛帥曰文龍在海外八年也有許
多功績只因小人之言致錢糧缺少又無器
械馬匹不曾遂得心願若一二應付要幫助
成功也不爲難辭回傳免謝分付船上不便
借島崖毛帥帳房待酒督師屈體推誠密語
荆駝逸史

毛文龍始末

三一

毛帥畧無難色二更後方散

初二日毛帥請袁督師登島相見禮畢東江
將官請毛帥又各夷丁叩見討馬夷丁每名
給銀一兩米一石布一疋隨上席毛帥親丁
帶刀環遶袁督師比退與毛帥密語三更方
散

初三日督師差官謝酒毛帥又設席相請督
師便服登島又密叙至晚方有傲狀毛帥有

不悅意態酒散袁傳副將汪翥入話叙至五更方出

初四日賜東江兵三千五百七十五名賞官銀每員三五兩不等賞兵銀每名數錢又將帶來銀十萬交卸東江官明日傳齊旗鼓王副將行文毛帥自後旅順東行毛帥印信西行督師印信又行文傳諭恢復鎮江旅順俱著遵依

荆駝逸史

毛文龍始末

四

初五日傳各兵登崖楞圍較射領賞毛帥見稟問老爺於何日起身督帥云寧遠重地本部院來日便行今邀貴鎮盤桓觀兵較射毛帥欣從督帥云明日不能踵辭國家海外重寄合受本部院一拜拜畢隨登島山謝叅將暗傳號令各營兵四面楞圍毛帥隨行官百餘員俱繞在圍內其兵丁截在外督師問東江各官姓名俱應姓毛毛帥云這多是做戶

的小孫督師云爾們那里多姓毛是出不得
幾個這樣好漢俱人人可用我寧遠官有許
多俸兵有許多糧尙然不足飽煖念你們海
外勞苦每人只得米一斛甚至家有幾口俱
分食此米言念及此情實痛酸你們受我本
部院一拜當爲國家出力自後不愁無餉各
官感泣叩首再四隨行問毛帥云本部院節
制四鎮嚴清海禁實恐天津登萊受心腹之

荆駝逸史

毛文龍始末

五

患今請設東江餉部錢糧由寧遠送至東江
亦便昨與貴鎮相商必欲解銀自往登萊糶
買又必移鎮定營制分旅順東西節制并設
道核稽國家所費查兵馬錢糧俱不見允終
不然只管混賬國家費許多錢糧要這東江
何用本部院披肝瀝膽與你說了三日只道
你回頭是岸也還不遲那曉得你狼子野心
總是一片欺誑到底你目中無本部院猶可

方今聖天子英武天縱國法豈容得你語畢
西向叩請王命着人將毛文龍拿下剥去衣
冠文龍尙有抗拒意督師又責曰你道本部
院是個書生本部院却是一個將首爾這毛
文龍欺君罔上冒兵尅餉屠戮遼民殘破高
麗騷擾登萊騙害各商擄掠民船變人姓名
淫人子女這是你該死罪案今日殺了你本
部院若不能恢復遼東願試尙方以償你命

荆駢逸史

毛文龍始末

六

又宣言東江各官曰毛文龍這樣罪惡你們
說他該殺不該殺若本部院屈殺了他你們
就上來殺我衆將官相對失色叩頭哀告文
龍語塞但云文龍有罪自知該死求督師老
爺開恩督師云你不知國法久了若不殺你
這一塊土非皇上所有遂西向叩請尙方寶
劍令水營都司趙一枝何麟圖監斬旗牌官
張國柄執着尙方劍斬毛文龍首級於帳前

卽分付將頭付他親人備棺木殮安葬圍外
是時兵丁洶洶見我兵嚴整勢不能犯督師
又喚東江各官來見諭曰本部院今日只斬
毛文龍一人以安海外兵民還是殺人安人
你各將照舊供職各復本姓爲國報效罪不
及你不必憂疑又分付將東江兵二萬八千
分爲四協殺其父用其子以毛承祿管一協
兵以旂鼓徐敷奏管一協兵還有二協東江

荆驛逸史

毛文龍始末

七一

衆官保游擊劉興祚副將陳繼盛二員管之
又分付東江官兵久被毛帥剝削將帶來銀
十萬賞各島兵一員各賞銀三兩名爲張賞
功東江旂鼓馮有時將見在官兵一千八百
員共賞銀五千四百西以張信賞必伐之意
其餘四協照例給賞又諭馮旗鼓速差人往
旅順宣諭又諭將毛帥印繳來東江事務權
着陳繼盛代管俟一協能建大功卽將此印

題授諭畢離島登舟發牌一面曉諭安撫各
島軍民票行登州游擊尹繼阿速備艦船二
十隻候用又用文龍子毛承先安撫後所欠
商銀着辦償還發小帖云戶部委官陳越禮
授守備督運各島糧餉又發犒賞四協扎付
又差官查島中寃獄并擄來客商船隻俱卽
查報商人洪秀等十名訖至夜請徽州朱相
公拂纓上船敘坐一更方散

荆駝逸史

毛文龍始末

八

初六日命備酒席督師親詣文龍棺前拜祭
云昨日我奉皇上命斬你是朝廷法今日祭
你是本部院情遂下淚各官將俱下淚感歎
初七日登山試炮試演

初八日差中軍官往皮島取劍并符驗

初九日往旅順官軍迎接佈置畢

初十日晚開船

十一日抵寧遠是夜風大

十二日早過江進城畢

荆駢逸史

毛文龍始末

九



十二日早過江進城畢

